

SECCION AMENA.

ARGI-BIDEAK.

¿ZER EGIN BEARDU GIZONAK EZKONDU EDO GELDITU EZKONGAI?

Ezkontzea da gauza
charra eta ona,
bizi-bide sekreto
aundiyan dagona;
gaizki jarri liteke
ala ez dagona,
bai eta ere ongi
len gaizki egona.

Nere konsejuz iñor
bear baldin bada,
aur-egi ezkontzea
erokeri bat da;
jolas denbora libre
pasatu albada,
penatzeko denbora
gero ere bada.

Lenengo biyotz biz-bat
egiñik elizan,
ezkon berriyak gaizki
ez litezke izan;
bañan dichtik jirarik
aizearen gizan,
gero dira kontubak
munduko bizitzan.

Abiyatzen danean
aur chikiyen festa,
echean infernuba
billatzen errez da;
gabaz lo gaizki egin,
egunaz orkesta,
lengo bizimodurik
arkitutzen ezta.

Aur bat tronpeta jotzen
negarrez beztea,
zarragoa saltoka,
chiliyoz gaztea;
onela joaten dira
jaiya ta astea,
jolazteko senarra
eta emaztea.

Oiek mantentzen eta
gañera jantzitzen
gurasoak eztute
guchi padezitzen
jaio eta dituzten
artean azitzen
pena ta nekepean
dirade bizitzen.

Ala ere ezdira
palta gurasoak,
alkar maitatzen duten
amoriosoak;
ez izan arren dicha
guziyak osoak,
pasatzen dituztenak
era-aldi gozoak.

Eman zaigun orain
begiyari jira,
ezkongai daudenari
jartzeko begira;
sasoiya pasatubak
ezpaldin badira,
lasai bizi dirala
ikusiko dira,

Ezkongaiya librean
arkitzen da oso,
ez dauka ezkontubak
ainbat estreposo;
famihiyaren kargik
eztu bear jaso,
bakarra da, ta bizi
liteke eroso.

Bañan gaztetan bizi
nai dubenak lasa,
zartzean dauka beste
moduzko jolasa;
bakar gelditurikan
ez danean gauza;
bizimodu triste ta
charbat oi du pasa.

Indarrak ezkazituta
danian debiltzen,
gauza sobratu baten
gizan da ibiltzen;
tristurak bear baña
lenago du illtzen,
eta nork negar egin
etzaiyo gelditzen.

Mundu au negarrezko
zelai bat izanik,
ezta bizi modurik
penarik eztanik;
alaz guziaz jira
begiai emanik,
ezkontubak obeki
arkitzen ditut nik.

Orra geren aurrean
naiko ikuskera,
argi biderik gabe
arkitzen ezkera;
orain iñork badauka
ezkontzeco era,
zer egin berak bere
kontubak atera.

RAMON ARTOLA.— Junio 79.

III. garren SOMAKETA

Nere *bata* bi bider
daukat nik izentzat;
nere *biya* ta *bata*
da nere lagun bat.
Nere *iruba* ta *biya*
da ogi ordekoa,
baserritarrak maizcho
duben jatekoa.

Lanian nekatuta
eiten da ondo *biya*,
gauza chit bearra ta
osasungarriya;
eta gauz borobilcho
bat da nere *dana*,
aidian ego gabe
maiz ibiltzen *dana*.

J. M.

Askantza urrengo lumero edo liburuchoan.

